



Tilleggsinnkalling
av
Formannskapet

Møtedato: 25.11.2020
Møtestad: Osterøy rådhus - heradsstyresalen
Møtetid: 16:00 - 20:00

NB!

- Møtet begynner kl 16:00!

Eventuelle forfall må meldast i Kaukus og til Runar Ludvigsen per tlf. 56192100, sms til eller per epost til runar.ludvigsen@osteroy.kommune.no

Varamedlemmer møter berre etter nærare avtale.

Sakliste

Saknr	Tittel
114/20	Forskrift om smitteverntiltak i Osterøy kommune - forlenging av periode

23. november 2020

Lars Fjeldstad
Ordfører

Runar Ludvigsen
sekretær

SAKSPAPIR

Saksnr	Utval	Type	Dato
088/20	Heradsstyret	PS	20.11.2020
114/20	Formannskapet	PS	25.11.2020

Saksbehandlar	ArkivsakID
Bente Skjerpung	20/589

Forskrift om smitteverntiltak i Osterøy kommune - forlenging av periode

Vedlegg:

Forskrift om smitteverntiltak i Osterøy kommune 061120 (003)

Vurdering av forskrift_

Rådmannen sitt framlegg til vedtak:

«Forskrift om smitteverntiltak i Osterøy kommune kan forlengast for ein ny periode frå 23.11.2020. Ein føreset då at eventuelle endringar i forskriftsteksten og fastsetjing av forskriftsperiode vert gjort i samråd med Bergen kommune og omegnskommunane på same måte som ved førre vedtak, slik at det så langt mogleg vert felles reglar for innbyggjarar og næringsdrivande.»

Heradsstyret - 088/20

HS - behandling:

Innleiing til saka ved ordføraren

- Lokal smittevernforskrift i Osterøy gjeldande til 23.11.2020
- Felles bu- og arbeidsregionen i Bergen og omegn. Diskusjon omforlenging av forskrifta pågår.
- Nytt vedtak og ferdig forskrift frå Bergen kommune ligg ikkje føre til møtet i dag.
- ordføraren ynskjer heradsstyret sitt syn på spørsmålet om forlenga forskrift for Osterøy, og om ein fortsatt skal følgja nabokommunane i dette.
- Notat frå kommuneoverlegen, sjå e-post datert 20.11.2020, er send ut til møtet.

Spørsmål til debatt:

- gjera vedtak om forskrift i samsvar med det Bergen vedtek, og eventuelt gje fullmakt til rådmannen om vedtak av ny forskrift i tråd med denne
- gjera vedtak om eiga forskrift for Osterøy
- forhalda seg til nasjonale retningslinjer utan å vedta eigne tiltak/eiga forskrift
- ta stilling til endeleg til forskrift frå Bergen når denne ligg føre, eventuelt gje fullmakt til formannskapet til å gjera vedtak i møtet 25. november.

Kommuneoverlege Anita Sørtveit tok del i møtet og svara på spørsmål frå heradsstyret.

Alf T. Mortensen, FRP, gjorde slikt framlegg: "Heradstyret gjev formannskapet fullmakt til å handsame og gjere vedtak i saka i førstkomande møte.

Grunngjeving:

Me har hatt ei regional forskrift som no går ut, og den nye forskrifta frå Bergen er ikkje klar endå. Det vil difor vere fornuftig å utsetje vedtak til etter at denne er kjent."

Alf T. Mortensen, FRP, gjorde slikt framlegg om tillegg: "Eksisterande forskrift vert utvida til å gjelde fram til ny forskrift er vedteken.

AVRØYSTING

Alf T. Mortensen sitt framlegg	-	samrøystes vedteke (5SP,5FRP,4H,1MDG,1V,3KRF,1SV,4AP)
Tilleggsframlegg	-	vedteke med 23 røyster (5SP,4FRP,4H,1V,3KRF,1SV,4AP)
mot ei røyst (1FRP)		

HS - vedtak:

"Heradstyret gjev formannskapet fullmakt til å handsame og gjere vedtak i saka i førstkomande møte.

Grunngjeving:

Me har hatt ei regional forskrift som no går ut, og den nye forskrifta frå Bergen er ikkje klar endå. Det vil difor vere fornuftig å utsetje vedtak til etter at denne er kjent. Eksisterande forskrift vert utvida til å gjelde fram til ny forskrift er vedteken."

Saksopplysningar:

Saksopplysningar:

Bakgrunn

Forskrift om smitteverntiltak i Osterøy kommune for perioden 07.11 – 23.11.2020 vart fastsett av kommuneoverlegen med heimel i lov 05. august 1994 nr. 55 om vern mot smittsame sjukdomar.

Lovteksten finn du her <https://lovdata.no/dokument/NL/lov/1994-08-05-55>

Bergen og omegnskommunane har alle vedteke tilsvarande forskrift for same periode.

Vurdering

Det kan no bli aktuelt for å forlenga forskriftsperioden frå 23.11.2020 for ein ny periode inntil ein ser tilstrekkeleg effekt av smitteverntiltaka. Dersom Bergen og nabokommunane forlengar forskriftsperioden bør Osterøy kommune gjera det same, då Osterøy er ein del av same bu- og arbeidsregion.

Ved ei forlenging kan det bli aktuelt å gjera endringar i forskriftsteksten.

Denne forskrifta er inneber inngripande tiltak overfor innbyggjarar og næringsverksemdar, og ein finn det difor rett å la heradsstyret ta stilling til ei eventuell forlenging av forskriftsperioden.

Folkehelse	- innføring av smitteverntiltak er viktig for å hindra smittespreiing i samfunnet
Miljø	- ikkje vurdert
Økonomi	- ikkje vurdert

Konklusjon

Saka vert lagt fram for heradsstyret til vurdering og avgjerd.

Forskrift om smitteverntiltak i Osterøy kommune, 7.11-23.11

Heimel: Fastsett av kommuneoverlegen 6. november 2020 med heimel i lov 5. august 1994 nr. 55 om vern mot smittsame sjukdommar § 4-1.

§ 1 Formål og verkeområde

Forskriftas formål er å fastsette smittevernforlegge tiltak for å hindre eller avgrense spreiring av SARS CoV-2 i befolkinga og blant helsepersonell, og sikre at tilstrekkeleg kapasitet i helse- og omsorgstenesta blir oppretthalde, slik at tenesta kan handtere smittesituasjonen og ivareta ordinære helse- og omsorgstenester, i periodar der smittetala er stigande eller høge.

Forskrifta gjeld i Osterøy kommune.

§ 2 Definisjonar

- a. Med private samankomstar er meint samankomstar i private heimar, hytter og liknande private stader, medrekna lausare arrangement innandørs og utandørs.¹
- b. Med privat arrangør er meint den som inviterer, er vertskap eller den som elles er med og arrangerer private samankomstar.

§ 3 Forbod mot private samankomstar med over fem deltakarar, og mot samankomstar der avstandskravet på éin meter ikkje kan overhaldast.

Det er ikkje tillate å vere til stades ved private samankomstar med meir enn fem personar. Føresegna omfattar ikkje barn som inngår i fleire husstandar.

I husstandar som har meir enn fem medlemmer, kan alle medlemmer likevel vere til stades samtidig.

Private samankomstar der avstandskravet på éin meter ikkje kan overhaldast, er ikkje tillate.

Det blir gitt unntak for etablerte kohortar i barnehage og barneskule, slik at barn som inngår i same kohort også kan samlast på fritida.

Privat arrangør skal:

- a. Legge til rette for at smittevernråda kan overhaldast
- b. Ha oversikt over alle som er til stades med dato, tidspunkt, namn og telefonnummer for å kunne bistå ved ei eventuell seinare smitteoppsporing etter smittevernlovens § 3-6.

Oversikta skal oppbevarast på ein forsvarleg måte og slettast etter ti dagar.

Arrangøren skal informere dei som er til stades om at det blir nedskrive slik oversikt.

Det blir ikkje gitt dispensasjonar frå føresegna.

§ 4 Innandørs arrangement på offentleg stad

Innandørs arrangement på offentleg stad utan fast seteplassering er ikkje tillate.

¹ Med private samankomstar er ikkje meint arrangement som er regulert i § 13 i den nasjonale forskrifta (FOR 2020-03-27-470 covid-19-forskriften).

Ved innandørs arrangement på offentlig stad skal alle deltakarar ha fast seteplassering.

Det er ikkje tillate å gjennomføre private eller offentlege innandørs arrangement på offentlig stad med fleire enn 20 deltakarar til stades samtidig. Ved gravferder kan tal deltakarar ikkje overstige 50.

Arrangement der avstandskravet på éin meter ikkje kan overhaldast er ikke tillate.

Berekninga av kven som inngår i tal deltakarar følger nasjonale rettleiarar. For øvrig gjeld FOR 2020-03-27-470 (covid-19-forskriften) § 13.

§ 5 Stenging og avgrensing av fritidsaktivitetar

Idrettshallar, svømmehallar, og lokale for tilsvarende aktivitetar skal haldast stengt. Føreseгна omfattar ikkje toppidrett. Føreseгна omfattar heller ikkje skuleundervisning eller organisert trening for barn og unge under 20 år. Kampar, cupar, turneringar og liknande for barn og unge under 20 år er ikkje tillate.

Treningssenter skal halde stengt.

Bingohallar og liknande aktivitetstilbod skal halde stengt.

Museum og liknande tilbod skal halde stengt.

Bibliotek skal haldast stengt for publikumsopphald og -aktivitetar. Tilgang til utlån og innlevering av bøker kan oppretthaldast.

Øvingar og organiserte idretts-, kultur- og andre fritidsaktivitetar for vaksne er ikkje tillate. Føreseгна gjeld ikkje slike aktivitetar for barn og unge under 20 år.

Breiddeidrett for vaksne er ikkje tillate.

§ 6 Avgrensing av aktivitet i butikkar og kjøpesenter

Butikkar, kjøpesenter og liknande må sørge for at det ikkje er fleire til stades i lokalet enn at det kan haldast to meters avstand. Tillate tal kundar i lokalet skal bereknast ut frå størrelsen på lokalet. Det skal om nødvendig vere vakthald som sørger for at kravet blir etterkomme.

§ 7 Krav til bruk av munnbind/ansiktsmaske på kollektivtrafikk, taxi og innandørs på offentlig stad (butikkar, kjøpesenter mv.)

På kollektivtrafikk og innandørs på offentlig stad skal munnbind/ansiktsmaske brukast når éin-meters avstandskravet ikkje kan overhaldast.

Førar og passasjerar i taxi skal bruke munnbind/ansiktsmaske.

Føreseгна gjeld ikkje barn under ungdomsskulealder, eller personar som av medisinske eller andre helsemessige årsaker ikkje kan bruke munnbind.

§ 8 Skjenkestader, restaurantar, kaféar og kantiner.

På skjenkestader, restaurantar, kaféar, kantiner og andre serveringsstader der gjester skal innta mat eller drikke på staden skal det leggjast til rette slik at gjester kan etterleve smittevern råd. Det skal vere minst éin meter mellom gjester som ikkje er frå same husstand og det skal vere lett tilgjengeleg handdesinfeksjonsmiddel i lokalet.

Skjenkestader, restaurantar, kaféar og kantiner skal kreve at gjester legitimerer seg. Gjester som ikkje legitimerer seg, skal avvisast.

Skjenkestader, restaurantar, kaféar, kantiner og andre serveringsstader, skal føre oversikt over gjester. Namn og telefonnummer skal registrerast og i tillegg tidspunkt og dato for besøket. Gjester skal informerast om at det blir nedskrive ei slik oversikt. Lista skal oppbevarast i tråd med krav til personvern, og skal slettast etter ti dagar.

Liste over gjester skal på førespurnad frå smittevernkontoret sendast over i tekstformat, anten i Excel, Word eller anna tekstprogram. Føresegna gjeld ikkje ved takeaway-sal.

På skjenkestader, restaurantar, kaféar, kantiner og andre serveringsstader skal munnbind/ansiktsmaske brukast når ein bevegar seg i lokalet og avstandskravet på éin meter ikkje kan overhaldast. Kravet gjeld ikkje for barn under ungdomsskulealder, eller personar som av medisinske eller andre årsaker ikkje kan bruke munnbind.

Lydnivået på stader der det blir spelt musikk skal justerast til eit nivå som gjer det mogleg for gjester å prate saman med 1 meters avstand.

Skjenkestader, restaurantar, kaféar, kantiner og andre serveringsstader skal stenge seinast kl. 22.00. Servering av alkohol må avsluttast 21.30.

Føresegna gjeld ikkje takeaway-stader.

§ 9 Obligatorisk heimekontor

Heimekontor skal nyttast når dette er mogleg.

Arbeidsgivar er ansvarleg for å vurdere om det er mogleg å utføre arbeidet ved heimekontor. For øvrig gjeld Helsedirektoratet sin rettleiar for heimekontor.

§ 10 Raudt nivå på vidaregåande skule

Krav og definisjonar følger Utdanningsdirektoratet sin rettleiar.

§ 11 Straff

Forsettleg eller uaktsamt brot på føresegnar i denne forskrifta kan straffast iht. Lov om vern mot smittsomme sykdommer (smittevernloven) § 8-1.

§12 Ikraftsetjing og varigheit av forskrifta

Forskrifta trer i kraft 07.11.2020 og gjeld til og med 23.11.2020.

Dette notatet kan vere nyttig for heradstyret å ha med seg når ny lokal forskrift skal diskuterast, den gjeldande lokale forskrifta går ut 23.11.20.

Helse og omsorgsdepartementet seier at det er viktig at kommunane vurderer lokale smitteverntiltak når situasjonen lokalt tilseier at det er nødvendig med restriksjoner utover det som følger av nasjonale tiltak. Vilkårane i smittevernloven må vere oppfylt på vedtakstidspunktet og vedtakene må vere begrunna.

Smitten brer seg over kommunegrenser, innbyggjarar beveger seg mellom ulike kommunar og av den grunn er det eit behov for felles regional tilnærming og regulering. Regjeringa har oppfordra til at kommunar rundt Bergen, altså kommunar i same bu- og arbeidsregion samarbeider om å ha mest mogeleg like tiltak og Fylkesmannen har fått i oppdrag å følgje opp denne oppfordringa.

Sjølv om me bur i ein kommune med lavt smittepress akkurat no så bur me i ein region som har høgt smittepress. Dei ser kanskje starten på ein nedadgåande trend i Bergen no, men Bergen er ikkje klare med sine vurderingar før over helga. Det er framleis høge smittetal i Bergen. Smittevernloven paragraf 4-1 andre ledd gir Helsedirektoratet heimel til å fatte vedtak for heile eller delar av landet dersom det er for krevende for kommunar å kome fram til ein felles tilnærming, men utgangspunktet bør vere at me klarer å samarbeide og gjere våre eigne vedtak når det er nødvendig.

Situasjonen på Osterøy:

Begge dei to utbrudda på Osterøy har hatt smitteveg frå Bergensregionen og smitten kom inn på ein bedrift og på ein skule. Mykje av smitten har skjedd innad i husstandene, ved at ein smitta vidare smitter sin husholdning. Me har vist at me har kapasitet og kompetanse til å føre ein god TISK strategi

(testing, isolering, smittesporing, karantene) og me planlegg kontinuerleg å ha nok kapasitet til dette arbeidet utan at det går på bekostning av andre sårbare grupper. Sjølv om det ikkje er eit høgt smittepress lokalt her på Osterøy no, så er det smittevernfarelege vurderingar som tilseier at sidan me bur i ein region med høgt smittepress så bør me tilstrebe å ha mest mogeleg same tiltak i regionen og difor forlenge ei lokal forskrift som er strengare enn nasjonale tiltak.

Nokre grunner for det er at smitten stopper ikkje ved kommunegrensene, me unngår at arrangement flyttes til kommunar som ikkje har begrensingar, utbrudd heng saman med nabokommunar, me har pendleaktivitet både i arbeidslivet og på skulane og sosiale/kulturelle aktiviteter skjer over kommunegrensene. Utanom det smittevernfarelege så kan det også vere lurt å ha same tiltak i regionen fordi det er forvirrande for innbyggjarane å forhalde seg til både nasjonale, regionale og lokale reglar samstundes, det er lettare dersom regionen har same utforming og innhald i sine forskrifter.

Det er to punkt i den noverande lokale forskrifta som det er litt utfordrande å gje gode smittevernfarelege vurderingar for dersom ein tenkjer på lokale forhold kun her på Osterøy. Det er stengte treningssenter og 5 personregelen i private heimar. Men dersom me ser på oss sjølve som del av ein region med høgt smittepress er det lettare å gje smittevernfarelege vurderingar som skissert over. Bergen er ikkje klare med sine vurderingar. I går var det møte mellom alle kommunane og Fylkesmannen og Bergen orienterte då at innholdet i deira nye lokale forskrift ikkje ville vere klar før måndag 23.11.

Forslag til diskusjon:

1. Følgje vedtak som vert gjort i Bergen og omegnskommunane sidan me bur i same region slik det vart gjort i gjeldande forskrift.
2. Lette på eit eller fleire punkt i forskriften, t.d tiltaket med maks 5 personer i privat heim til: Kvar husstand kan ha opptil 5 gjester i tillegg til husstanden (Nasjonal anbefaling)

Dersom ynskjeleg kan det også diskuteres for og imot å ha stengte treningssenter. Det er smittevernfarelege vurderinger både for å holde dei stengt og for å opne dei opp med forsterka smittevernsregler.

Dersom ein velger å følge Bergen sine vedtak så gjerer det oppmerksam på at heile innhaldet i deira vidare forskrift ikkje er kjent før måndag 23.11.20.

Med venleg helsing

Anita Sørtveit
Kommuneoverlege og sjukeheimslege



T / 56 19 21 00
M / 97000226

E / anita.sortveit@osteroy.kommune.no
W / www.osteroy.kommune.no

[Sjå vår brosjyre](#)

Osterøy kommune Geitaryggen 8 5282 Lonevåg Org. nr.: 864 338 712